

## trenbideko burdina

---

zurekin hitz egin dut  
ez zure mamuarekin  
ezta zure itzalarekin ere  
zurekin, ez nire oroitzapenekin  
zure argazkiekin gehiagorik ez

ispiluaren aurrean gelditu  
zen dena  
Urtarrilako gau batean  
hilabetea bukatzeke

baina ez zaitut entzuten  
agian isildu beharko naiz  
aintzinako indioen antzera  
belarria  
trenbideko burdinan jarriz  
urruneko soinuak  
etorriko al dira?

hodeien partitura abestuko dut  
bestela kable beltz horrekin  
airea barrutik atearko dut  
zure ahotsa ahaztu dudalako  
zure irria bezalaxe  
zure begien berdea ere

umezurtzentzat trena  
ez da berriz geltokira  
itzultzen, inoiz ez.

